

Nan mester respeta Aruba su democracia:

Presidente di Asociacion Amigos de Colombia cu critica fuerte riba Consul di Venezuela

ORANJESTAD (AAN) —
Croes a subraya cu gobierno

Diario. - (diamars 15 augustus 2006). p.13

ta haya e dia aki un ocasion maraviyoso pa devela e Monumento di Gradicimento di Colombia pa Aruba, pero cu atravez di e medionan di prensa, gobierno a haya sa cu tin cierto obstaculonan di parti di Consulado di Venezuela, cual a manda un carta pa D.O.W, Departamento di Relacionnan Exterior, y Consul di Colombia contra e proyecto aki.

Señor Hendrick Croes a subraya cu e tin e documento di permiso pa pone e monumento, y e tin tur cos paga pa coloca esaki den e parti zuid di Plaza Simon Bolivar.

Croes a bisa cu riba e plaza aki no tabata tin e figura ecuestre di Simon Bolivar, y el a referi na e polemica grandi cu tin atravez di e Consulado di Venezuela y el a menciona señora Lopez como esun cu ta dirigi e siguidornan di presidente Chavez na Aruba.

Señor Croes a subraya cu mester tin hopi precaucion cu e asunto aki, pasobra Aruba ta un Isla hopi democratico, y mester respeta nos gobierno, y duna merito na e pais unda nan ta biba.

El a cuestiona cu riba dia di celebracion di Independencia di Venezuela, e Consul no a duna su discurso pero a trece un Chavista for di su pais como orado, y tampoco a duna palabra na ningun representante di gobierno di Aruba, locual sr. Croes ta califica como un falta di respet pa un pais democratico manera nos pais.

**TELEFONNAN
DI DIARIO
582-6747
FAX
582-8551**